

OD "GLASNIKA" DO "GEODETSKOG GLASNIKA"

Krajem 1966. godine Savez geodetskih inženjera i geometara SR Bosne i Hercegovine donio je odluku o pokretanju časopisa koji bi služio kao informator našim članovima po pitanju društvenog rada, a u isto vrijeme i kao najbolja veza sa svakim članom Saveza. Osim ovoga list bi sadržavao i naučne, stručne i druge članke i obavještenja koja su vezana za geodetsku struku.

List je nazvan "GLASNIK", a prvi glavni i odgovorni urednik je bio Muhamed Šestić, dipl.inž.geod. profesor tadašnje Više geodetske škole.

Prvi broj Glasnika štampan je 1967. godine, a pod tim nazivom je izašlo 23 broja.

Časopis "Glasnik" je bio upisan u evidenciju javnih glasila u Uredu za informisanje, a Nacionalna univerzitetska biblioteka Bosne i Hercegovine je ovoj publikaciji dodjelila ISSN 1512-6099 Međunarodni standardni broj za serijske publikacije, (International Standard Serial Number – ISSN).

Promjena, dopuna, naziva "GLASNIK" u "GEODETSKI GLASNIK" je izvršena 1987. godine, tako da je javno glasilo Saveza geodetskih inženjera i geometara SR Bosne i Hercegovine, pod nazivom GEODETSKI GLASNIK, prvi put štampan kao broj 24, juna 1987. godine.

Geodetski glasnik broj 30 je štampan od strane preregistrovanog izdavača pod imenom Savez geodetskih inženjera i geometara Bosne i Hercegovine.

Geodetski glasnik broj 31 i 32 su štampani pod imenom izdavača Savez udruženja građana geodetskih inženjera i geometara Bosne i Hercegovine.

Za svaku od navedenih promjena naziva Izdavača je uredno i na vrijeme izvršena preregistracija.

Posljednjim preregistrovanjem Udruženje nosi naziv SAVEZ UDRUŽENJA GRAĐANA GEODETSKE STRUKE BOSNE I HERCEGOVINE, kao udruženje koje će djelovati na teritoriji Bosne i Hercegovine. Časopis "GEODETSKI GLASNIK" upisan je u evidenciju javnih glasila u Uredu za informisanje Vlade FBiH, pod rednim brojem 841 od 25.12.1998. godine i ima dodjeljen broj ISSN 1512-6102.

Prema Univerzalnoj decimalnoj klasifikaciji za našu oblast pripada nam UDK 528.

Od ovog broja Geodetskog glasnika, svi nabrojani podaci moći će se redovno naći na odgovarajućim mjestima časopisa.

Fadil Hodžić
sekretar Uredništva